

OKVIRNI SPORAZUM
za sukcesivnu nabavku lož ulja za potrebe
Ministarstva unutrašnjih poslova Kantona Sarajevo

Strane u okvirnom sporazumu:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar, Admir Katica, (u daljem tekstu: Kupac) i

"Hifa" d.o.o. Tešanj, ulica Bukva broj 9, Tešanj, koje zastupa direktor, mr. sc. Hadžimehić Muris, dipl.occ. (u daljem tekstu: Prodavac)

Strane u okvirnom sporazumu saglasno konstatuju:

-da je u skladu sa Zakonom o javnim nabavkama BiH ("Službeni glasnik BiH", broj 39/14) proveden otvoreni postupak za nabavku lož ulja za potrebe Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 24 (dvadeset četiri) mjeseca;

-Nabavka je izvršena putem otvorenog postupka, a na osnovu Odluke broj 01-11-4-3481 od 07.07.2021. godine i Obavještenja o nabavci broj 1364-1-1-44-3-20/21 od 16.09.2021. godine

-Okvirni sporazum ne predstavlja obavezu Kupca na zaključivanje ugovora o javnoj nabavci;

-Obaveza nastaje zaključivanjem pojedinačnih ugovora o javnoj nabavci, na osnovu ovog Okvirnog sporazuma, u zavisnosti od potreba Kupca, a pod uslovima utvrđenim u ponudi Prodavca broj PO-996/2021 od 07.10.2021.godine.

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci lož ulja za potrebe Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 24 (dvadeset četiri) mjeseca, a u skladu sa uslovima iz tenderske dokumentacije, ponudom Prodavca i Izvještaja o toku i završetku e-aukcije od 18.10.2021.godine, odredbama ovog Okvirnog sporazuma i stvarnim potrebama Kupca.

Ukupna vrijednost ovog Okvirnog sporazuma nakon provedene e-aukcije bez PDV-a i bez takse iznosi 61.560,00 KM (šesdesetjednahiljadpetstinašezdeset i 00/100 KM), taksa iznosi 720,00 KM, a obračunava se u iznosu od 0,01 KM po litru i nije sadržana u cijeni lož ulja.

Prodavac se obavezuje da će se prilikom realizacije prvog ugovora/iskoruke pridržavati cijena navedenih u ponudi, a za preostali period trajanja okvirnog sporazuma, jedinična cijena za jedan litar lož ulja se obračunava prema važećem OPC-u.

Član 2.

Nakon zaključenja okvirnog sporazuma, Kupac će zaključiti pojedinačne ugovore o javnim nabavkama.

Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Član 3.

Kupac će ugovorenu cijenu, plaćati u roku od 30 (trideset) dana po dostavljanju fakture.

Član 4.

Prodavac je dužan da izvrši isporuku odmah po narudžbi i u skladu sa potrebama kupca, a isto će biti definisano pojedinačnim ugovorom o javnoj nabavci koji zakluče Kupac i Prodavac, u skladu sa ovim okvirnim sporazumom.

Član 5.

Prodavac se obavezuje da ugovorenu obavezu izvrši u svemu prema tehničkoj dokumentaciji, propisima, standardima i normama kvaliteta, zakonskim i pozakonskim aktima koji važe za vrstu usluga koje su predmet nabavke.

Član 6.

Ukoliko poslije zaključenja ovog Okvirnog sporazuma nastupe okolnosti više sile koje dovedu do ometanja ili omogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ovaj okvirni sporazum, se zaključuje na period od 24 (dvadeset četiri) ili konačne realizacije finansijske vrijednosti sporazuma, a stupa na snagu danom obostranog potpisivanja.

Član 8.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

PRODAVAC
"HIFA" d.o.o. TEŠANJ

direktor
mr.sc. Muris Hadžimehić, dipl.oec.

KUPAC
MUP KANTONA SARAJEVO

ministar
Admir Katica

Broj : P 1114/2021
Datum: 24.11.2021

Broj :01-11-4-3341-6
Datum: 15.11.2021. god.